

բող անցնել իր հիւրերի, շքախմբի, սրանց ընտանիքների, թիկնապահների, զօրքի եւ բազմաթիւ սպասաւորների հետ եւ միայն դարնան այնտեղից հեռանալ:

Դենպետ եւ թագաւոր Արշակունին եւ նրա շքախմբի բոլոր անդամները առանց իրենց կանանց օտարի յարկի տակ չէին կարող մնալ ամիսներով. Զրադաշտական օրէնք եւ պարտաւորութիւն էր նոյն իսկ պատերազմի դաշտումն էլ կանայք իրենց ամուսինների հետ էին դնում: Իսկ Հայաստանի թագաւորը, Արշակունի դահակալը ո՛չ միայն օրէնքների դէմ չէր կարող գործել, այլ առանց 2000 հոգով շքախմբի՝ տեղից չէր կարող շարժուել: Ուտիքի-Նուխու Սալխալի հեռաւորութիւնը եւ հնութիւնների բացակայութիւններն նկատի առնելով, Սեւանի լճի հիւսիս-արեւելեան լեռներում եւ Ծեղամ առուակի ափին գտան մի ինչ որ Սէյլիխանա դեղ, ենթադրեցին, թէ դա պիտի լինի Սալխալը. բայց ո՛չ ոք չճշտեց մօտենալու իսկական Սալխալին, Ճորոխի Փեսունջուր առուակի ափին հիմնուած այն ոստանին, որը մինչեւ օրս կրում է հնութեան ամէն նշանները:

Եթէ Անակի Հայաստան գալու պայմանները հետազօտենք, պիտի համոզուենք, որ Անակը անկասկած Փեսունջուրի Սալխալն եկաւ, գտաւ տոհմակցին իր վիճած կալուածքում, այն վիճակում, որն իր պապե-